

L O X A.



LOXA, nobile Hispaniæ oppidum, à clarissima Granatensi vrbe, sexto, plus minus, lapide distās, eo itinere, quod Hispalim ducit, Granatensi Episcopetui subest, situ tam amoeno ac eleganti excellit, vt vniuersam hanc regionem, hortum atq; pomarium, summa diligentia cultum, esse dixeris, in quo Opis & magna deorum mater Tellus, efficacium herbarum ac fructuum cornu plenum effudisse videatur. Propter perpetuas in eo herbas flores, segetes ac gramina, quib. campi magnacum voluptate spectantium vestiuntur, obq; virentiū arborum frequentiam, quæ præstantissimos fructus, mira abundantia quotannis incolis præbent. Vnde hortulani hic plurimi, & telluris cultores inueniuntur, qui ex ijs, quæ terra ex se fundit, victū quæritant: & hortos habent; variâ fructuum affluentia ditissimos: omniq; herbarum genere decenter ornatos, quæ nō vituitantum quotidiano, ac esui sunt accommodæ, sed & voluptati, vbi libuerit, morbisq; medendis, seruiunt. Venationibus etiam ferarū, vt plurimum hic incolæ student, eò quod ob miram pabuli abundantiam, passim leporum & cuniculorum greges, in patentibus campis, pascuis, atq; nemoribus, venantium oculis obuersionem, quib. aut canum sagacitate, aut falconum industria, aut deniq; mustelarum solertia, insidiantur. Quas in specus & occulta terræ foramina immittunt, vt cuniculos è cubilibus suis, in apertū fugere cogant, quos deinde eiectos capiunt. Montes huic oppido vicini, inculti quidē sunt, non tamen saxosi aut horridi, sed quia naturæ clementiâ pabulosi pecori alendo peropportunè deferuiunt. Quare huc quouis ferè tempore, minoris pecoris greges agere solent, qui in his montib. magna securitate non sine ingenti indigenarū lucro, diuagantur. Hinc lanā, hinc vellera, hinc pelles lanatas, annuo prouentu, colligunt, quas ad urbem Granatensem, in qua permulti lanæ artē exercent, deferunt, in qua vsui humano aptatæ, ad varias orbis partes deinde exportantur, in Italicas potissimū, & Belgicas vrbes. Et quia vicinum huic oppido solū, ob naturalem loci clementiā, vti diximus, pabulosum, ac optima est ouium nutritrix, idcirco niuei lactis, ouini casei, sapidissimi butyri, feracissimum est. Hinc indigenæ, et quos grata passim agricultura sustētat, maximo hominum confluxu, hebdomadatim, esculenta sua ad forum Granatense cōportant, vbi ea quam primum, ob incredibilem, in ea vrbe, hominum frequentiam, in promptam conuertunt pecuniam.